

EIGENDASAMKOMULAG

Eftirtalin sveitarfélög, (upptalning) sem öll eru eigendur að SORPU bs. hafa samþykkt sameiginlega svæðisáætlun um meðhöndlun úrgangs 2009 – 2020. Svæðisáætlunin er unnin á grundvelli ákvæða laga nr. 55/2003 um meðhöndlun úrgangs.

Að framangreindri svæðisáætlun standa 4 sorpsamlög sem starfa í umboði 34 sveitarfélaga með alls um (250) þúsund íbúa, eða liðlega 80% af heildaríbúafjölda landsins. Áætlunin hefur hlotið staðfestingu sveitarstjórna allra viðkomandi sveitarfélaga

Í svæðisáætluninni eru settar fram 10 tillögur um mögulegt samstarf sorpsamlaganna við meðhöndlun og förgun úrgangs á tímabilinu.

Í ljósi þess að brýnt er að sem fyrst liggja fyrir ákvörðun um fyrirkomulag framtíðarlausna við meðhöndlun úrgangs á höfuðborgarsvæðinu, og þar sem nýjar kröfur og fyrirmæli kalla á aukið samstarf og sérhæfingu, innan og utan Starfssvæðis Sorpu bs, þá gera eigendur Sorpu bs. með sér eftirfarandi

eigendasamkomulag um vinnu við mótun framtíðarlausna við meðhöndlun úrgangs.

1. grein. Gas- og jarðgerðarstöð í Álfsnesi

Í samræmi við forsendur og tillögur sem settar eru fram í svæðisáætlun um meðhöndlun úrgangs 2009 – 2020 hefur Sorpa bs. unnið að fjárhagslegum og tæknilegum undirbúningi vegna byggingar og reksturs gas- og jarðgerðarstöðvar á athafnasvæði byggðasamlagsins í Álfsnesi.

Eigendur Sorpu bs. eru sammála um að ljúka sem fyrst framangreindum undirbúningi þannig að hægt verði að taka ákvörðun um byggingu slíkrar gas- og jarðgerðarstöðvar eigi síðar en 30. október 2013 . Við áframhaldandi útfærslu þessa verkefnis verði m.a. unnið út frá eftirfarandi forsendum um tæknilega útfærslu og frágang stöðvarinnar :

1. *Móttaka og forvinnsla heimilisérgangs fari áfram fram í Gufunesi.*
2. *Meðhöndlun lífræns úrgangs í sérstakri gas- og jarðgerðarstöð sem fyrirhugað er að setja upp fari fram í Álfsnesi samkvæmt tillögu B með ströngum skilyrðum.*
 - a. *Lögð er áhersla á fullkomnar (skv. bestu fánlegu tækni) mengunarvarnir í stöðinni s.s. lífsíur og aðrar þær bestu lausnir sem fánlegar eru á markaði.*
 - b. *Stöðin verði byggð í einum áfanga. Stöðin verði tekin í notkun innan tveggja ára frá undirritun þessa samkomulags.*

- c. Stöðin verði staðsett sem fjæst þéttbýli í Mosfellsbæ, norðarlega á nesinu (valkostur B), þar sem minni líkur eru á lyktarmengun í byggð og stöðin er minna sýnileg frá Mosfellsbæ.
 - d. Móttökurými stöðvarinnar verði yfirbyggt og lokað, með millirými sem er þannig hannað að ekki sé opið beint úr vinnslurými og út til að koma í veg fyrir að lykt úr vinnslurými geti borist út í andrúmsloftið .
 - e. Það rými sem moltuefni er losað út úr verði yfirbyggt og lokað, með millirými sem er þannig hannað að ekki sé opið beint úr vinnslurými og út til að koma í veg fyrir að lykt úr vinnslurými geti borist út í andrúmsloftið .
 - f. Skoðað verði sérstaklega hvort ástæða sé til þess að setja upp stromp til að koma útblæstri frá starfseminni ofar í andrúmsloftið til að minnka líkur á að lyktarmengun.
 - g. Gera þarf ráð fyrir að moltuefni sem fellur til sem lokaafurð í ferlinu verði nýtt annars staðar en í Álfsnesi. Ef moltuefni er geymt í Álfsnesi að lokinni vinnslu áður en það er flutt brott til nýtingar annars staðar, skal það geymt í yfirbyggðu rými þar sem ekki er hætt á að lyktarmengun berist út í umhverfið.
 - h. Tryggt verði að núverandi móttöku fyrir lyktarsterkan úrgang, Gými, verði lokað strax.
 - i. Höfuðstöðvar SORPU verði staðsettar í Álfsnesi/Mosfellsbæ
 - j. Fram fari eftirlit óháðs aðila með þeirri starfsemi sem fram fer í Álfsnesi, s.s. verkfræðistofu sem fylgist sérstaklega með atriðum sem snúa að lyktarmengun og ónæði fyrir íbúa í nágrenni .
3. Lyktarsterkur úrgangur, s.s hreinsaður ristarúrgangur, sláturúrgangur, fiskúrgangur og lýsisúrgangur, verður meðhöndlaður annars staðar en í Álfsnesi, nema í undantekningartilfellum, s.s. við bilun eða rekstrarstöðvun brennslustöðvar, eða brennslustöðin nær ekki að anna því magni lyktarsterks úrgangs sem til fellur. Seyru verði fargað á vegum Orkuveitu Reykjavíkur í gegnum skólpdælustöðvar.
4. Hætt verði að urða í Álfsnesi innan 4 ára frá undirritun samkomulags þessa.
5. Gengið verði til samninga við Sorpsamlag Suðurlands um mögulegan urðunarstað og við Sorpsamlag Suðurnesja um mögulega brennslu.

Sveitarfélögin skuldbinda sig til að vinna sameiginlega að framtíðar heildarsýn í úrgangsmálum þannig að urðun og eyðing úrgangs verði á einni hendi svo hagræðing í málaflöknum náist. Mikilvægt er að til séu leiðir til þess að taka á móti síauknu magni lífræns úrgangs úr stækkandi matvælageira, sóttmenguðum úrgangi og lyktarsterkum úrgangi sem ekki er mögulegt að formeðhöndla. Markmið er að byggðasamlagið hafi innan 3-5 ára á sinni könnu heildarlausn með jarð- og gasgerðarstöð, urðun sem og brennslustöð til dæmis Kölku eða aðra sambærilega sem staðsett væri annars staðar en í Álfsnesi. Horft verði til þess að sorpsamlögin á svæðinu frá Ölfusi að Hvalfirði verði sameinuð með það fyrir augum að nýta sem best þær fjárfestingar sem fyrir eru og fyrirsjáanlegt er að ráðast þurfi í.

Fjárfestingar- og rekstraráætlun sem og arðsemismat væntanlegrar gasgerðarstöðvar skal taka mið af ofangreindum forsendum um uppbyggingarhraða og tæknilega útfærslu og frágang stöðvarinnar og athafnasvæðis hennar.

(Tímasett aðgerðaráætlun – stýrihópur verkefnis, mönnun og tengsl við sveitarstjórnir)

2. grein – Mótun framtíðarstefnu og mögulegs samstarfs sorpsamlaga um meðhöndlun og förgun úrgangs

Eigendur Sorpu bs. eru einnig sammála um að samhliða áframhaldandi vinnu vegna gas- og jarðgerðarstöðvar verði strax sett í gang markviss vinna við að meta fýsileika allra þeirra tillagna sem fram koma í nógildandi svæðisáætlun um meðhöndlun úrgangs 2009 – 2020 og kannað mögulegt samstarf sorpsamlaganna fjögurra við framkvæmd þeirra. Þessar tillögur lúta að:

- a) Aukinni efnisvinnslu, endurnotkun og endurnýtingu
- b) Gasgerð
- c) Jarðgerð
- d) Framleiðslu á brenni
- e) Brennslu
- f) Urðun
- g) Rekstri jarðvegstippa
- h) Aðgerðir til að draga úr myndun úrgangs
- i) Bætt skráning um uppruna, samsetningu og flæði úrgangs
- j) Samræming á verklagi við móttöku, meðhöndlun og förgun úrgangs.

Í samræmi við ákvæði í „samantekt – tillögugerð“ í nógildandi svæðisáætlun um meðhöndlun úrgangs verði kallað eftir efldu samstarfi sorpsamlaganna með skipan sérstaks starfshóps sorpsamlaganna sem að áætluninni standa, og farið ítarlega yfir framangreinda kosti, settar verði fram tillögur um ný samstarfsverkefni sem aukið geta hagræðingu og skynsamlega verkaskiptingu við meðhöndlun og förgun úrgangs á starfssvæði sorpsamlaganna og skoðaðir allir kostir sem leitt geta til aukinnar hagræðingar og tæknilegra framfara við meðhöndlun úrgangs innan svæðisins.

Að öðru leyti vísast til greinargerðar Mosfellsbæjar sem er fylgiskjal með samkomulagi þessu.

(Samsetning starfshóps, tengsl við sveitarstjórnir – aðgerðaáætlun tímasetningar ???)